

**UDRUŽENJE POSLODAVACA FEDERACIJE BOSNE I HERCEGOVINE
GRUPACIJA POSLODAVACA TUZLANSKOG KANTONA
UPRAVNI ODBOR**

IZVOD IZ ZAPISNIKA

Sa sjednice Upravnog odbora Grupacije poslodavaca Tuzlanskog kantona pri Udruženju poslodavaca Federacije Bosne i Hercegovine (GP TK pri UPFBiH), održane dana 02.11.2016. godine sa početkom u 14:00 sati u prostorijama Privredne komore Kantona Tuzla.

Prisutni: Željko Babić, Samir Hadžić, Šahsudin Haliklović, Željko Mandić, Samir Fočak, Zlatko Berbić, Šefik Močić i Ramiz Karić

Odsutni: Mirza Ordagić, Eldin Hadžibegović, Osman Tukić, Adem Hanić, Munever Čergić, Sead Džafić i Faik Beganović

Za sjednicu je predložen slijedeći

DNEVNI RED

1. Razmatranje i usvajanje programa rada UO GP TK pri UPFBiH,
2. Informacija o dobivanju reprezentativnosti GP TK pri UPFBiH,
3. Informacija u vezi zahtjeva KUIP Tuzla za izjašnjenje, i
4. Razno

Sjednicu je otvorio predsjednik UO i predložio dnevni red koji je jednoglasno prihvaćen.

AD 1.

Uvodne napomene u vezi sa predloženim Programom rada UO GP TK pri UPFBiH iznio je Ramiz Karić.

U raspravi su učestvovali svi prisutni članovi UO.

Nakon provedene rasprave prijedlog Programa rada UO GP TK pri UPFBiH jednoglasno je usvojen uz zaključak da se, pored ostalog, težište da na slijedeće aktivnosti iz programa rada:

1. Osnivanje i razvoj udruženja poslodavaca u općinama TK u kojima nisu formirana takva udruženja i animiranje privrednih subjekata sa područja TK za učlanjenje,
2. Analiza svih emitovanih obaveza od strane Općinskih vijeća i Skupštine Tuzlanskog kantona koji opterećuju privredne subjekte, zauzimanje stavova po određenim pitanjima i davanje smjernica delegaciji ESV za područje Tuzlanskog kantona, i
3. Zauzimanje stavova po određenim pitanjima i davanje smjernica predstavnicima GP TK u UO UPFBiH u ESV za teritoriju FBiH.

AD 2.

O činu konačnog dobivanja reprezentativnosti prisutne članove UO GP TK pri UPFBiH je upoznao Ramiz Karić.

Prisutni članovi su takođe upoznati od Karića da je u telefonskom razgovoru sa ministricom Danijelom Simić predviđen sastanak sa dosadašnjim članovima ESV ispred Udruženja poslodavaca Tuzlanskog kantona kako bi se „pravno riješilo pitanje sastava delegacije u ESV ispred poslodavaca“. Tom prilikom usvojen je slijedeći zaključak: Sve treba rješavati u skladu sa pozitivnim zakonskim propisima a naročito u skladu sa članom 131. Zakona o radu kojim su propisana ovlaštenja reprezentativnog sindikata i udruženja poslodavaca.

AD 3.

Prisutne članove UO GP TK pri UPFBiH o sadraju pismenog podneska od strane Kantonalne uprave za inspeksijske poslove upoznao je Ramiz Karić. U svom zahtjevu KUIP je tražila od GP TK pri UPFBiH da se izjasne na okolnost da li je anonimna prijava protiv firme „Grapkić prevoz“ Gračanica podnesena od strane GP TK. Članovi UO su takođe upoznati sa tekstom izjašnjenja koje je dostavio predsjednik UO .

Nakon rasprave donesen je jednoglasno slijedeći zaključak:

Anonimne prijave, bilo da dolaze od pojedinaca ili grupa, mogu naškoditi kako pojedincima tako i firmama i da iste ne bi trebale biti povod za postupanje nadležnih organa prije nego se posrednim putem provjere svi navodi iz anonimne prijave. Takođe je konstatovano da poslodavci u FBiH djeluju i stvaraju u ambijentu vrlo upitne pravne sigurnosti te da bi apriori uvažavanje anonimnih prijava ta pravna nesigurnost još više bila pogoršana.

AD 4.

G. Močić Šefik je prisutne upoznao da je on član pregovaračke delegacije ispred poslodavaca sa sindikatom za definisanje odredaba granskog ugovora za djelatnost građevinarstva i da su ti pregovori završeni te se očekuje njihova objava.

G. Berbić Zlatko je prisutne upoznao sa terminom održavanja business strategic foruma za dan 09.11.2016. godine u hotelu Mellain u Tuzli sa početkom u 09:30 sati i tom prilikom pozvao prisutne da uzmu učešća u radu ovog foruma.

Sjednica je završena u 15:30 minuta

Tuzla, 04.11.2016. god.

P r e d s j e d n i k

Karić Ramiz